

十八天啓空滅乃爲墮道故經言行道覺者
得出謂覺苦空非身非常得出者謂得出四
要界得第一禪上七天無有身景何以故行
道壞身故
法觀經

迦葉結經

後漢 安息 三藏 安世高譯

聞如是一時世尊滅度未久諸羅漢等悉會
共議未集經藏法律諸義各心念言吾等所
作已辦越塵勞山枯竭愛河一切智日佛天

中天眼忽不見吾等患獸載攝是身今欲般
泥洹即說偈曰

已度愚人淵 恩愛海難越 破壞俗朽老
及生死之輪 見諸種衆著 身如蜣蛇篋
我等當滅度 意淨如燈滅

於是無數千阿羅漢等各自從意所好山巖
流河泉源深岸之中於彼滅度盡其恩愛如
燈忽滅時無數千阿羅漢等悉般泥洹天住
虛空白大迦葉今真人等已滅度安於是天
人即說頌曰

宣尊之音聲 其久心無礙 今是爲已逝
佛者消垢安 如應衆尊音 以爲定離慧
忽愚癡窈冥 法德光不見

尊者迦葉聞是言已心自念言快哉天人說
此世間不久當復窈冥此當云何即自念言
便以解了今攝結義當集經律諸法化要用
哀愍故安隱世間何以故世尊從無數劫作
行積功累德勤苦難量欲安世間集是法律
律以救攝於是奉護佛法所化未滅度頃當
共合集攝護法化於是賢者大迦葉等會比

丘僧便告言曰阿那律等能仁無常金剛山
壞佛勝日冥非常之闇蔽能仁光非常之日
空竭佛海非常之火燒一切智今正是時常
護世間念父功德當立父事稱譽父教所作
使成於是頌曰

未結無上義第十 不當捨滅度十五 具安佛之子

須集衆經卷

於是衆比丘僧適說是已尊者迦葉五百羅
漢欲合集結正法律義便詣羅閱祇聚會歲
臘爾時賢者阿難亦具歲臘其諸耆年心念

如是此阿難者世尊之弟又常親侍聞持大智解一切法爾時聖衆即便歎曰

於是和順衆 奉佛教如掌 十力所稱譽所言淨持慧

於是七月十五日新歲已竟便集經卷法律諸藏五百羅漢悉俱聚會耆年大迦葉告賢者阿那律卿觀世間誰離十力如來弟子衆僧何所羅漢所作已辦而不來會乎於是阿那律即以天眼察視世間報曰仁者大迦葉有耆年名曰憍桓鉢在尸利天宮而作新歲

彼不來會唯大迦葉當遣僧使請呼至此爾時衆中有幼者新受六戒三年比丘比丘字不那三垢已斷逮三達智曉三藏經獲于三明不著三界猶得自在於彼大迦葉告衆僧曰年少比丘子汝能爲衆僧使乎時賢者不那起住叉手受如尊教輒能行耳大迦葉曰善哉善哉比丘賢聖衆中有是年幼比丘甚爲佳矣說是則已頌曰

尸利若干種 衆華光盛耀 疾速往到彼
如蜂採輒香 憍桓鉢神通 所止而有勝

如孚承衆教 宣化如是意 大迦葉之等
衆僧遣吾告 於此興僧事 速來至于期
於是賢者不那從衆羅漢受是命已譬如金
翅鳥踊出龍宮如人胸頃倒橋桓鉢所稽首
禮足談語問訊便說頌曰

聚十

十六

寂然善哉性 樂定滅調順 志淨迦葉請
及餘尊自在 合會有僧事 最興佛無量
彼因欲命具 來下見衆勝
於是賢者橋桓鉢聞不那言一時心念謂不
那曰仁者不那有比丘僧得無聞變諍訟之

事十力所轉法輪之教衆邪異道無亂之手
外道畜生如驚鹿輩得無欲以壞於佛法邪
黨得無以螢火之明欲障日之光耀手得無
以非寂志見沙門像無梵志行自謂清淨又
不那仁者當說佛告比丘衆教而卿反謂迦
葉之等比丘之衆將無大哀世尊般泥洹將
無演慧世珍不見異道托亂正法之教儻無
十力轉法輪王自在非常忽而不見將無大
哀安隱一切救護衆生寂而不起佛日不沒
乎佛喻月光得無罣礙有覆蔽將無道樹覺

意生花興盛之好沙門果實歸于無常世間
大燈得無非常風滅之耶得無非常水滅于
佛火儻無愚癡子諍亂佛教將法輪義追返
不還無佛月耀光明爲盡將阿須倫障大光
明爾時賢者不那曰唯憍桓鉢佛船已壞慧
山已崩諸持法之等亦欲滅度越彼世間憍
桓鉢曰惡人得無合闍變諍云何於世間得
聞正法於是而寂謂不那曰以爲拔惡餘在
無要離如來光世間無復威神之耀當往何
求即時頌曰

世間以爲空 無佛無所樂 閻浮利何索
便於是滅度

於是賢者憍桓鉢取鉢衣服與不那曰以奉
聖衆宣我聲曰一切衆賢悉願忍以於善哉
義尊之無放逸賢者憍桓鉢說是已竟便而
滅度滅度已從身出火還自闍維如火積薪
然炬矣闍維已竟便於空中放四流泉來下
灌身水清且涼其色如水精琉璃之色彼流
水自然有聲而說頌曰
第一流水曰

智慧住生死

不當信浮雲

無常壞金剛

佛山王以崩

第二流水曰

所有常動搖

佛嘆滅度安

第三流水曰

如是無放逸

如然燈疾滅

第四流水曰

衆中最有勝

多畏勤苦害

不自在捨已

所作成其身

無數惱害擾

當爲稽首禮

尊者憍桓鉢

至於般泥曰

樂從佛十力

願隨而滅度

譬如六牙象

其子慕逐母

於彼稽首禮

一切賢聖衆

唯願尊上僧

原我之所咎

於是賢者憍桓鉢滅度之後賢者不那便取

衣鉢如彈指頃即時來還以奉衆僧次第禮

竟便說頌曰

衆十

六

人中之最尊

大哀而寂然

憍桓鉢聞之

應時便滅度

於彼稽首禮

一切賢聖衆

唯願尊上僧

原我之所咎

說是已後便自滅度於時一切衆僧皆計非

常須更思惟正經戒律諸法之解即悉赴會
比丘僧爾時賢者大迦葉告阿那律曰仁者
且觀是衆會中誰有姪怒癡縛結未解恩愛
陰蓋須學戒辯凡夫聚會也時阿那律察座
訖白大迦葉有比丘名阿難世尊侍者方當
學成彼來會此於是賢者大迦葉謂賢者阿
難汝且起去我等不與卿共結經要阿難報
曰願尊者大迦葉歡悅我不缺戒亦無邪見
亦不壞業亦不失行亦不犯衆迦葉報曰唯
且阿難卿侍如來親近世尊無有缺戒何足

爲怪又仁謂言我無所犯起取證舍勒來我
當計卿前後過罪於是大迦葉適起此心三
千世界六返震動百千天人住於虛空舉聲
稱怨哉此大迦葉何以出辭乃爾於時賢者
迦葉謂阿難言仁者云何謂無所犯何故從
佛求令女人出家爲沙門阿難報曰唯太迦
葉世尊母終時摩訶摩耶瞿曇彌勤苦養育
躬奉世尊爲菩薩時乳哺令長欲報其恩故
求令作沙門愍念親族欲令得度是故求佛
令作沙門又聞過去諸佛平等正覺有四輩

衆我念世尊法教之化得無減少故從佛求
使作沙門尊者迦葉曰唯阿難是爲不足達
孝報恩如來法身供養之德令女人作沙門
者譬如成就稻田天大雨墮雹而破壞之佛
正法者本當久立坐于女人出家作沙門令
住千歲又阿難汝言我用愍念親族之故求
爲沙門是爲不應沙門之法以有親族思念
故矣又阿難汝言過去諸平等正覺具有四
輩故求爲沙門者爾時世人姪怒癡薄無有
縛結志樂空閑心無瑕穢豈得比之今時人

乎是爲一過下筭著地又阿難汝復有過又
世尊所說其有精進獲四神足者便能自在
住壽一劫若復踰劫汝何爲不從世尊求哀
愍傷世間阿難答曰唯尊者時魔波旬耗勞
我意故不從佛求哀耳迦葉答曰是爲大過
何謂侍於無欲當降魔力反從魔教是爲二
過阿難汝且不識是過汝復有過世尊訶汝
汝時恨言他犯他坐是爲三過次復有過汝
以足越世尊金縷織成衣是爲四過阿難次
復有過世尊臨般泥洹時欲至雙樹從汝求

水而不與之是爲五過汝復有過時佛世尊
說諸雜碎隨順禁戒汝亦不念爲當來人分
別問之是爲六過汝爲以世尊陰馬之藏示
於衆人是爲七過阿難汝復有過何以故以
世尊紫磨金色示于女人令上啼哭淚汙其
足是爲八過阿難汝復有過是衆會中無姪
怒癡而汝獨有三垢之瑕汝方當學成其道
化衆所作已辦而汝未達是爲九過且起出
會終不與卿共結經也賢者阿難普察四座
悲哀音嗚呼其甚何因乃爾乎我身今日已

離如來無救無護目不覩明世間爲冥又賢
者大迦葉其佛世尊臨滅度時告阿難汝莫
啼悲無以我累於大迦葉今偶小誤而不相
原唯仁者迦葉悅豫意解後不敢失也尊者
迦葉謂阿難曰汝莫啼哭仁功德本以普具
足我等法要會當如言直諫之辭不得不設
阿難且起吾不與卿共結經要於是賢者阿
那律謂大迦葉我等云何遠離阿難佛之侍
者博聞總持積要之藏次佛第三而結經要
乎尊者大迦葉曰吾等不與阿難言學之類

但共結集經義法要阿難且起自退而去吾
與成就阿羅漢等乃俱結經於是阿難起坐
悲哀顧視衆比丘憂色而出應時其夜被祇
支子爲示開解斷一切結得羅漢道逮三達
智果大神通諸羅漢衆異日共會無數百千
如阿須倫捨月之光其明照耀卷十普現世間阿
難心悅脫諸瑕穢所作已辦尊者迦葉曰善
哉善哉阿難卿逮平等吾心欣踊世尊所謂
累者教令已度卿耳如是順次得斷諸漏又
汝阿難其佛世尊講說法眼蒙仁博聞持法

之恩當令永立於是頌曰
彼佛住世尊 所至爲第一 悉有如人民
道術不齊逝 於是甘露味 爲至普賢人
佛定滅寂然 以故教化布
於是諸耆年謂阿難曰汝當住須結集正經
法律衆法之解於是衆會無數百千告阿難
已念法恭敬具足玄廣普察比丘思佛功德
而不可限於是頌曰
此比丘衆勝 以達遠佛德 不復有威耀
如空離日光

於是賢者阿難即觀師子之座衆比丘僧周
市圍繞如師子王處衆師子阿難坐已賢者
大迦葉爲阿難說頌曰

大智願說之 安住子唯講 何所之經卷
世尊最先說

迦葉爲阿難說是偈適竟阿難意即得佛覺
而念經道無所畏懼亦不動搖無所疑難遙
向世尊般泥洹處一心叉手便口頌曰
聞如是一時 佛遊波羅柰 仙人鹿苑說
具足法輪經

衆尊甚多悉共勸助乃上師子座如師子行
第一說言聞如是一時隨尊所處所可聞經
皆悉誦宣時一切衆羅漢等聞是言已便皆
避坐下處于地心念如是嗚呼無常力吾等
自覩如來說法適爾近耳今日云何聽聞如
是爾時真人說此頌曰

衆十

廿二

咄三界恍惚 如月現于水 譬如彼幻化
猶芭蕉無堅 三界無等侶 功德最清淨
佛者常有終 忽乖如風起
爾時賢者大迦葉須臾聞禪思便嗟歎曰嗚

呼終力一切無脫於是頌曰

不顧無智者 亦不護有智

脫與及未度

無有人歸盡

不以言呪濟

不用麤辭免

世間無等耳

同如海水鹹

於是大迦葉從阿難聞是言已便慙懃受轉

法輪經告阿若拘憐五比丘汝等所受如是

不答曰若斯如是比類結集正經藏結集律

藏結集諸法藏結集經時諸天即來住于虛

空舉聲稱曰

衆上爲阿難

示現諸教禁

造集正法經

哀愍衆人民

於是精集行

釋迦文善導

未來及現在

爲得第一定

於是結集正經律禁諸法解已尊者大迦葉

即說頌曰

是爲哀愍人

所建法經卷

結集十力教

則爲無有量

其世間邪見

及念窈冥滅

其光照耀遠

冥中然大燈

迦葉結經

